



ხელშეკრულება N 18

სახელმწიფო შესყიდვის შესახებ

გამარტივებული ელექტრონული ტენდერი (აუქციონის გარეშე)

NAT170001579

ქ. თბილისი

„02“ „აპრილი“ 2017 წ.

სსიპ პროფესიული კოლეჯი თეთნულდი, შემდგომში წოდებული „შემსყიდველად“, წარმოდგენილი დირექტორის ირმა ჯაფარიძის სახით და შპს „მკს“, შემდგომში წოდებული „მიმწოდებლად“, წარმოდგენილი დირექტორის სერგო კორინთელის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი, თანმდევი მომსახურებით.

2. ხელშეკრულების საგანი

2.1. ვიდეო საკონფერენციო სისტემის შესყიდვა თანმდევი მომსახურებით (მონტაჟი) (CPV32300000) დანართის („ფასების ცხრილი“, „ტექნიკური დავალება“) შესაბამისად. აღნიშნული დანართი წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების ღირებულება შეადგენს 20,831.40 (ოცი ათას რვაას ოცდათერთმეტი აშშ დოლარი და 40 აშშ ცენტი) აშშ დოლარს, საქართველოს კანონმდებლობით დადგენილი ყველა გადასახადის გათვალისწინებით.
- 3.2 საქონლის რაოდენობა და ერთეულის ფასი განსაზღვრულია დანართით („ფასების ცხრილი“), რომელიც წარმოადგენს ამ ხელშეკრულების განუყოფელ ნაწილს.



4. მხარეთა ვალდებულებები

4.1 მიმწოდებელი ვალდებულია:

- ა) განახორციელოს საქონლის მიწოდება თანმდევი მომსახურებით ხელშეკრულების ძალაში შესვლიდან არაუგვიანეს 70 კალენდარული დღისა, დანართში („ტექნიკური დავალება“) მითითებულ მისამართებზე.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ მიწოდებული საქონლის ღირებულება.
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

6. საქონლის მიღება-ჩაბარების წესი

საქონლის მიღება წარმოებს ეტაპობრივად მიღება-ჩაბარების აქტის სახით, წერილობითი ფორმით, მხარეთა უფლებამოსილი წარმომადგენლების ხელმოწერით, მიმწოდებლის მიერ წარმოდგენილი სასაქონლო ზედნადების საფუძველზე. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს ვალდებულ ადამიანს.

7. ანგარიშსწორება

7.1 ანგარიშსწორება განხორციელდება შემდეგი პირობებით:


- ა) ანგარიშსწორების ვალუტა - ლარი, მიღება-ჩაბარების აქტის გაფორმების დღისათვის საქართველოს ეროვნული ბანკის მიერ დადგენილი სავალუტო კურსის გათვალისწინებით.
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
- გ) დაფინანსების წყარო: სსიპ პროფესიულ კოლეჯ თეთნულდსა და ათასწლეულის გამოწვევის ფონდს შორის „ინფორმაციული ტექნოლოგიების სწავლების ერთიანი მოდელის დანერგვა საქართველოს რეგიონებში და მათ ბაზაზე საერთაშორისო სერტიფიცირებული პროგრამების დაფუძნება“ პროგრამის ფარგლებში დადებული კონტრაქტით (N-123) მიღებული სახსრები.

7.2 ანგარიშსწორება მოხდება მიღება-ჩაბარების აქტის გაფორმებიდან, მიმწოდებლის მიერ სასაქონლო ზედნადების წარმოდგენიდან და თუ მიმწოდებელი დღგ-ს გადამხდელია, საგადასახადო ანგარიშ-ფაქტურის წარმოდგენიდან, ხოლო თუ მიმწოდებელი არ არის დღგ-ს გადამხდელი, შემოსავლების სამსახურიდან შესაბამისი ცნობის წარმოდგენიდან 15 (თხუთმეტი) დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ





დაუყოვნებლივ უნდა გაუზიარონ მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

- 9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო, ყოველ ვადაგადაცილებულ დღეზე შეუსრულებელი ვალდებულების ღირებულების 0.2%-ის ოდენობით.
- 9.2. მიმწოდებლის მიერ ხელშეკრულებით ნაკისრი ვალდებულებების სხვა სახის არაჯეროვანი შესრულების შემთხვევაში, გარდა ხელშეკრულების 9.1. ქვეპუნქტით გათვალისწინებული შემთხვევისა, მიმწოდებელს დაეკისრება პირგასამტეხლო, ყოველ ასეთ შემთხვევაზე ხელშეკრულების ღირებულების 0.5%-ის ოდენობით.
- 9.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულებიდან გასვლის შემთხვევაში მიმწოდებელს დაეკისრება პირგასამტეხლო ხელშეკრულებით გათვალისწინებული მთლიანი ღირებულების 5%-ის ოდენობით.
- 9.4. იმ შემთხვევაში, თუ მიმწოდებელზე ვადების გადაცილებისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, მეორე მხარეს უფლება აქვს გავიდეს ხელშეკრულებიდან და მოსთხოვოს ხელშეკრულების დამრღვევ მხარეს ხელშეკრულებიდან გასვლის მომენტისთვის გადასახდელი პირგასამტეხლოს ანაზღაურება.
- 9.5. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

10. ხელშეკრულებაში ცვლილებების შეტანა

- 10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.
- 10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. გარანტია

მოწოდებულ საქონელზე ვრცელდება გარანტია დანართში ("ფასების ცხრილი"), მითითებული ვადისა და პირობების შესაბამისად.





12. ხელშეკრულების შეწყვეტა

- 12.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 12.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;
- 12.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 12.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 12.4.2 მიმწოდებლის გაკოტრების შემთხვევაში;
- 12.4.3 საქართველოს კანონმდებლობით გათვალისწინებულ სხვა შემთხვევებში;

13. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელშეკრულების ხელმოწერის თარიღიდან და მოქმედებს 2017 წლის 31 ივლისის ჩათვლით.

14. ფორს-მაჟორი

- 14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. დავების გადაწყვეტა

- 15.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.





15.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17. მხარეთა რეკვიზიტები:

შემსყიდველი:

მიმწოდებელი:

სსიპ პროფესიული კოლეჯი
თეთნულდი

წარმოდგენილი მისი

დირექტორის იჯაფარიძის სახით,
მისამართი: დ.მესტია, ე.ფარჯიანის ქ.25,
ტელეფონი: 577 582424,

საბანკო რეკვიზიტები: სახელმწიფო ხაზინა

ანგ. № 24 0330100200165022,

ს/კ - 235891512



შპს „მკს“

წარმოდგენილი მისი

დირექტორის სერგო კორინთელის სახით,
მისამართი: ქ.თბილისი წალენჯიხის 20,

ტელეფონი: 595358601,

საბანკო რეკვიზიტები:


სს „თიბისი ბანკი“

ანგ. №GE17TB1100000360200660,

კოდი: TBCBGE22,

ს/კ - 206256727





„ტექნიკური დავალება“

1. ვიდეო საკონფერენციო სისტემა თანმდევი მომსახურებით (მონტაჟი) – 10 კომპლექტი

ვიდეო საკონფერენციო აპარატურამ უნდა უზრუნველყოს კონფერენციების ორგანიზება 10 ერთდროულ წერტილზე დამოუკიდებლად ან პერსონალური კომპიუტერის დახმარებით (ტექნიკური აღწერილობა “ფასების ცხრილის” შესაბამისად).

2. აუცილებელი მოთხოვნები ვიდეო საკონფერენციო სისტემის თანმდევი მომსახურების (მონტაჟის) განხორციელებისას:

2.1 მიმწოდებელმა უნდა უზრუნველყოს თითოეული კოლეჯისთვის და სტუ-სთვის 1 კომპლექტი ვიდეო საკონფერენციო სისტემის მიწოდება და მონტაჟი ამისათვის გამოყოფილ სპეციალურ ოთახებში; თითოეულ ოთახში ვიდეო საკონფერენციო სისტემის ინსტალაცია უნდა განხორციელდეს მიმწოდებლის მიერ წინასწარ მომზადებული და შემსყიდველთან შეთანხმებული პროექტის, ყველა საჭირო ტექნიკური დოკუმენტაციისა და მუშაობის ინსტრუქციის შესაბამისად;

2.2 ვიდეო საკონფერენციო ოთახში უნდა დამონტაჟდეს TV მონიტორი, ცენტრალური საკონფერენციო კამერა, მაგიდებზე უნდა მოეწყოს ცენტრალური მიკროფონი და დამონტაჟდეს სისტემის მართვის ცენტრალური მოწყობილობა;

2.3 მიმწოდებელმა უნდა უზრუნველყოს საკონფერენციო კამერისთვის 10 ერთეული თაროს დამზადება და მისი ინსტალაცია მონიტორის თავზე;

2.4 მიმწოდებელმა უნდა უზრუნველყოს საკონფერენციო აპარატურის და ყველა ტიპის სადენის სტანდარტების შესაბამისად მიერთება, საჭიროების შემთხვევაში სადენების დაგრძელება, ყველა მოწყობილობა უნდა შეერთდეს ერთმანეთთან და შეერთების კაბელები უნდა ჩაიდოს ინტერიერის შესაბამის საკაბელო არხებში;


2.5 მიმწოდებელმა უნდა უზრუნველყოს ყველა ტიპის როზეტის (განსართი), დენის გამანაწილებლის, ელექტრო და ქსელურის სადენის მონტაჟი, რომელიც საჭიროა ვიდეო საკონფერენციო ოთახის სრულფასოვანი ფუნქციონირებისთვის;

2.6 ქსელის გაყვანა ოთახებში უნდა განხორციელდეს საკაბელო არხით, არხის ზომა უნდა შეირჩეს ოთახში ქსელური წერტილების რაოდენობიდან გამომდინარე; ყველა სადენი უნდა ჩაიდოს საკაბელო არხში. საკაბელო არხების შეერთების ადგილები დაფარული უნდა იყოს შესაბამისი კუთხეებითა და ინფრასტრუქტურით (გამოყენებული უნდა იქნას გარე, ბრტყელი, შიდა და სხვა ტიპის არხის აქსესუარები); სამონტაჟო სამუშაოები უნდა შესრულდეს შენობის ინტერიერის დიზაინის გათვალისწინებით;

2.7 საკომუნიკაციო მოწყობილობებს შორის კავშირები უნდა განხორციელდეს UTP Cat 6 ტიპის სადენების გამოყენებით; ოთახებში უნდა დამონტაჟდეს RJ45- Cat-6 ტიპის ქსელის განსართები; მონიტორის, კამერის განთავსების ადგილებში უნდა დამონტაჟდეს არანაკლებ ორი ელ.განსართი (220ვ, 3ა), ხოლო საკონფერენციო მაგიდასთან არანაკლებ რვა ელ. განსართი, მიმწოდებელმა უნდა უზრუნველყოს ელექტრო ქსელის ცენტრალურ კვანძამდე მისი მონტაჟი;

2.8 მონტაჟი უნდა განხორციელდეს უსაფრთხოების საერთაშორისო სტანდარტების შესაბამისად, დაცული უნდა იყოს შესაბამისი კოლეჯის/სტუ-ს თანამშრომელთა უსაფრთხოების ზომები აპარატურის მონტაჟის





პროცესში, დაცული უნდა იყოს გარემოზე ზემოქმედების წესები, ყველა ტიპის საქონელი უნდა აკმაყოფილებდეს ISO საერთაშორისო სტანდარტების მოთხოვნებს (რაც მონტაჟის პროცესის დაწყებამდე უნდა შეთანხმდეს შემსყიდველთან), ყველა სამუშაო უნდა შესრულდეს დღისით;

2.9 სადენების ინსტალაციის დროს უნდა დაინომროს ყველა სადენი შესაბამისი ნომრით, რათა შემდგომში მოხდეს მათი სწორად შეერთება ქსელურ განსართზე; განსართზე დასმის შემდეგ უნდა მოხდეს მათი მარკირება;

2.10 მიმწოდებელმა უნდა უზრუნველყოს სამონტაჟო საქმიანობების დროს წარმოქმნილი ნაგვის სეგრეგაცია და შემდგომი უტილიზაცია / ტრანსპორტირება ლოკალურ ნაგავსაყრელზე (ნარჩენების მართვის შესახებ საქართველოს კანონმდებლობისა და რეგულაციების შესაბამისად).

2.11 მონტაჟის დასრულების დროს უნდა შემოწმდეს ყველა შეერთება, რათა ობიექტის ჩაბარებამდე დადგინდეს ქსელის გამტარუნარიანობა და წარმადობა, ასევე უნდა განხორციელდეს ტექნიკური დოკუმენტაციის გადმოცემა შემსყიდველისათვის, სისტემის ტესტირება, დემო ჩართვების ორგანიზება და შესაბამისი კოლეჯის/სტუ-ს თანამშრომლებისათვის ინსტრუქტაჟის ჩატარება.

შემსყიდველი:

სსიპ პროფესიული კოლეჯი თეთნულდი
წარმოდგენილი მისი
დირექტორის ირმა ჯაფარიძის სახით



მიმწოდებელი:

შპს „მკს“
წარმოდგენილი მისი
დირექტორის სერგო კორინთელის სახით



„ფასების ცხრილი“

№	საქონლის დასახელება	შემოთავაზებული საქონლის ტექნიკური მახასიათებლები	შარშირგელი კომპანია, მოდელი, წარმოშობის ქვეყანა	რაოდენობა	ერთეულის ღირებულება (აშშ დოლარი)	საერთო ღირებუ ლება (აშშ დოლარი)
1	ვიდეო საკონფერენციო სისტემა Logitech Group Video Conferencing Bundle	ვიდეო საკონფერენციო აპარატურა/უზრუნვე ლყოფს კონფერენციების ორგანიზებას 10, ერთდროულად წერტილზე პერსონალური კომპიუტერის დამხმარებით	Logitech / Logitech Group Video Conferencing Bundle 960-00106 /ჩინეთი	10 კომპლექტი	1780,11	17801,10
		კამერა/Full HD 1920x1080ვიდეო გაფართოება HD 1080p Video quality at 30 frames-per- second • 10 x ოპტიკური გადიდება • კამერის მოძრაობის კუთხე: ±100°(H) / ±30°(V) . H.264 UVC 1.5 with Scalable Video Coding (SVC) . Far- end control (PTZ) of ConferenceCam product • დამატებით	Logitech/კამერა შედის კომპლექტში და არ აწერია კონკრეტული მოდელი და წარმოშობის ქვეყანა მთლიანად კომპლექტის ნომერი არის 960- 001060 დამზადებული ჩინეთში			
		2 მაკროფონის მიერთების მხარდაჭერა				
		ცენტრალური მიკროფონი/ 3- მეტრი რადიუსში ხმის აღქმა . Frequency response: 100Hz – 11KHzSensitivity: - 28dB +/-3dB Distortion: <1%@ 1KHz at 106dB● ჩამოჭებული მიკროფონი, 360 გრადუსი კუთხით ხმის აღქმა სისტემა უზრუნველყოფს შემდგომ საკონფერენციო სისტემების და სერვისების	Logitech/ცენტრალ ური მიკროფონი შედის კომპლექტში და არ აწერია კონკრეტული მოდელი და წარმოშობის ქვეყანა მთლიანად კომპლექტის ნომერი არის 960- 001060 დამზადებული ჩინეთში			



		მზარდაჭერა: Microsoft Lync 2013, Skype for Business, Cisco Jabber და WebEx				
		TV/მონიტორი LED ტიპის ეკრანი, ეკრანის ზომა 49" inch; რეზოლუცია 1920 x 1080; 2 HDMI port, 1 USB 2.0; Audio Codec AC3 (Dolby Digital), EAC3, AAC, AAC, Mpeg, MP3, PCM; Mono / Stereo / Dual (MTS/SAP) Energy Efficiency Class A++	LG/ LG49LH510V/ რუსეთი			
2	ვიდეო საკონფერენციო სისტემის მონტაჟი			10 ერთეული	303,03	3030,30
სულ ჯამი:						20,831.40

✓ მიწოდების ვადა: საქონლის მიწოდება და მონტაჟი განხორციელდება ეტაპობრივად, ხელშეკრულების ძალაში შესვლიდან არაუგვიანეს

70 (სამოცდაათი) კალენდარული დღის განმავლობაში

✓ საგარანტიო ვადა: შპს „მკს“ იძლევა გარანტიას, რომ მოწოდებული საქონელი (თანმდევი მომსახურებით) მისი ექსპლუატაციის ნორმების დაცვის შემთხვევაში არ გამოავლენს დეფექტს.

-საქონლის საგარანტიო საერთო ვადა შეადგენს 1 (ერთი) წელს, საბოლოო მიღება-ჩაბარების აქტის გაფორმებიდან. შემსყიდველის მხრიდან საქონლის (თანმდევი მომსახურებით) ექსპლუატაციის ნორმების დაცვის შემთხვევაში, საგარანტიო ვადის განმავლობაში შპს „მკს“ საკუთარი ხარჯებით აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი, შეაკეთებს ან შეცვალოს დაზიანებული შესყიდვის ობიექტი შემსყიდველთან შეთანხმებულ გონივრულ ვადაში, ტრანსპორტირების ჩათვლით, გარდა იმ შემთხვევისა, თუ ასეთი ხარვეზი გამოწვეულია ნივთის მექანიკური დაზიანებით ან ბუნებრივი ცვლილებებით.

შემსყიდველი:

სსიპ პროფესიული კოლეჯი თეთნულდი
წარმოდგენილი მისი
დირექტორის ირმა ჯაფარიძის სახით



მიმწოდებელი:

შპს „მკს“
წარმოდგენილი მისი
დირექტორის სერგო კორინთელის სახით

